

尋衣撮空

薛尋衣撮空許叔微謂之肝熱夫肝主筋筋脉血枯而風引之故手指為之撮歛也宜確服六味地黃丸問有回生之功錢仲陽用瀉青丸此治肝經實熱蓋尋衣撮空皆病後之敗證耳求其實熱則百無一二矣治者審之王海藏治血脫尋衣撮空摸床手楊搖頭錯語失神脉弦浮而虛血脫內躁熱之極也氣虛鼻乾此為難治用生地黃連湯主之王少叅孫女年十二歲脾胃素弱後成疳症發熱小腹膨脹堅直

大便溏瀉氣喘咳嗽徹夜煩躁不睡鼻塞眼暗謔語
其脉大而無根用人參一兩附子三分腹脹漸減脉
漸斂然猶尋衣撮空鼻孔出血用六味地黃丸料二
服如脫乃晝服獨參薑附湯及服地黃丸料脉漸有
根諸證漸愈又用六君子補中益氣湯而痊 一小
兒停食夜驚腹痛服消食丸瀉數次尋衣撮空面青
黃或色白此脾土受傷肺金休囚肝火旺而然耳先
用異功散加升麻以補脾土用六味地黃丸料以滋
肝血稍定各二劑漸愈却用補中益氣湯六味地黃
丸間以異功散而痊 一小兒膝癰誤觸其膝出血

甚多患前證惡寒面白此陽隨陰散而虛寒用十全
大補湯加附子三分四劑未應用人參一兩附子五
分薑棗煎服稍退又二劑頓退乃朝用異功散夕用
八珍湯而安 一小兒傷風表汗後患前證惡風面
白手足冷用補中益氣湯加五味子汗頓止而諸證
漸退又用四劑而安乃服十全大補湯而愈
生地黃連湯 治血脫尋衣撮空搖頭妄語

川芎

生地黄

當歸

各柴錢

赤芍藥

梔子

黃芩

黃連

各參錢

防風

壹錢伍分

右每服三錢水煎服

喜笑不休

薛經曰心藏神有餘則笑不休又曰在臟爲心在聲爲笑在志爲喜又火太過曰赫曦赫曦之紀其病笑謔狂妄又云少陰所至爲喜笑又云精氣并於心則喜此數者皆言屬心火也若笑不休呻而爲腹痛此水乘於火陰擊於陽陽伏熱生狂妄譫語不可聞心之損矣扁鵲云其人唇口赤色者可治青黑者死若腎水虧涸不勝心火而喜笑不休者用六味地黃丸肝火熾盛能生心火而喜笑不休者用柴胡清肝散

餘兼別證各從其證而叅治之 一小兒喜笑常作

不安而赤飲冷手足並熱先用黃連瀉心湯末二服

稍定又用六味地黃丸料煎服頓愈常服此丸則安

月許不服仍復作又服愈矣 一小兒患前證面青

赤此肝心二經風熱所致也用柴胡梔子散六味地

黃丸漸愈又因乳母大怒發熱先用加味柴胡湯又

用加味逍遙散母子服之並愈 一小兒年十四歲

用心過度飲食失節患喜笑不休脉洪大而虛面色

赤而或白余用補中益氣湯而愈次秋科舉飲食勞

倦前證復作或兼譫語洪大按之微細如無用人參

壹兩薑棗煎服稍定又三劑而愈又因勞役用心自
汗作渴煩躁似痢證先用當歸補血湯二劑頓安又
十全大補湯而尋愈

瘡瘍

癰疽證治已詳瘍醫準繩其在小兒雖肌體柔脆而天真未鑿鮮五發之毒亦無五善七惡之診初生周晬前後徧體生瘡俗忌療治其他小小癰癤自可敷貼而消若憎寒壯熱沉困躁擾爲心腹之害又當求其本而治之乳下嬰兒母子俱服是在醫師神而明之無按圖索驥之理薛氏乃掇大科癰疽證治贅附保嬰近於駢拇枝指矣若夫渾流窮源明經絡分表裏審順逆則無大小之異有專科書在又何贅焉

第以小兒所專者集爲是編以至危且急殺人者莫如丹毒故首列之且獨加詳焉

鄭夫瘡瘍皆因臟腑不調經絡壅滯而得或由胎毒或是風化爲蟲或則熱氣有盛或是驚入皮膚其大者是滯於血脉而橫出於皮膚之間若節其氣血則易破若或風纏則生癰軫或是外邪所入卽多癰痒而不定其食毒則滯死其血氣久則化爲膿也或作驚瘡者驚本無物亦蹉其血氣在臟而爲積在腑故出皮膚爲瘡發遍身而四肢難較風瘡亦發遍身其形甚小世呼爲疥熱毒瘡發處不定節帶其血故作

疥蟲窠瘡常發於脛後作其窠窠內有蟲如蟣子蓋因腹中蟣蟲隨氣而化其瘡卽較而再發或片子如癬相似甚有死血痒若以藥傳較只是歸腹中須是取却蟲方瘥及與殺蟲藥

曾內經曰諸痛痒瘡瘍皆屬心火火鬱內發致有斯疾蓋心主乎血血熱生風熱鬱內甚遍相傳襲故火能生土血注陽明主肌肉風熱與血熱相搏發見皮膚其名不一有黃膿而白者土生金母歸子也始生微痒而熱輕腫痛潰爛爲熱極血凝化水氣滯成膿甚至寒熱作而飲食減尤爲可慮宜宣泄風毒涼心

經解胃熱用當歸散加黃連升麻乾葛水薑葱燈心煎服及三解散牛蒡湯木通散雖服塗以四黃散一

抹金

當歸散 潮熱

三解散 驚

牛蒡湯 咽喉

木通散 淋

四黃散 治小兒身上一切熱毒瘡疾燥痒抓破有

汁不乾

淨黃連

黃檗

黃芩

大黃

滑石 伍味各半兩

五倍子 去虫屑貳錢半

右剉曬為末用清油和調二錢至三錢塗搽患處

仍服四順散消毒飲

一 抹金治小兒遍身生瘡潰爛如糜梨燥痛膿汁不乾

藜蘆

淨洗焙

蛇床子

去埃土

紅丹

水飛過叁味各伍錢

硫黃

赤石脂

明白礬

火飛過

五倍子

去虫屑

黃檗

去龜皮五味貳錢半

輕粉

伍拾貼

右前八味或曬或焙爲末仍同輕粉在乳鉢再杵

勻用生肥猪膏碎切以瓦鉢和藥末爛杵塗抹患

處或清油調搽亦可

湯小兒血氣凝滯而有熱毒之氣乘之故結聚成

癰腫毒也未結之先微見有紅頭癰子隱起作疼者

急用不語唾夜半頻頻塗之飲酒了不可用即消散若已結

成當用天烏散貼方若內顯躁熱不寧等證即須內

服漏蘆散真良方也熱甚者用青解毒丸四順清涼

飲加防風連翹玄參劑亦可服五福化毒丹尤良連

翹湯可服青露散掩之留小孔後用驚毒掩子收瘡

口熱甚者涼膈散亦可服方類列于後

胎毒瘡瘍薛寶鑑云初生芽兒一塊血也無形證也

無脉有驚即係是胎驚有熱即係是胎熱嬰兒實與

乳母一體凡患瘡疾但審乳母肝經有熱用加味小

柴胡湯之類肝經虛熱用加味逍遙散之類腎水不能生肝用地黃丸心經積熱用柴胡梔子散心經虛熱用茯苓補心湯膏粱積熱用東垣清胃散脾經鬱熱用錢氏瀉黃散脾經虛熱用錢氏異功散若服犀角丸化毒丹外敷寒涼之藥復傷生氣乃促其危也

熱毒瘡瘍

因食膏粱厚味或乳母七情鬱火所致若

腫脅作痛氣血凝滯也用仙方活命飲口渴便秘熱

毒內蘊也用四順清涼飲佐以如聖餅腫硬色赤熱

毒凝聚也用活命飲佐以隔蒜灸腫焮不消欲作膿

也用托裏消毒散不成膿或成膿不潰氣血虛也用

八珍湯潰而肉赤不斂脾血虛也用四物參朮肉白
而不斂脾氣弱也用四君芩歸食少體倦而不斂脾
氣虛也用六君當歸升麻凡藥對證無有不愈設或
妄行攻毒元氣虧損則變惡證而難治矣大抵瘡瘍
屬腑者易治元氣無虧者不治自愈屬臟者難治元
氣虧損者則變爲惡證誤行剋伐元氣虧損尤難療
理故切不可用峻厲之劑觀東垣升麻湯云但見腫痛
參之脉證虛弱便與滋補血氣無虧可保終吉若用
驅逐敗毒不免有虛虛之禍矣

去裏漏盧散治小兒癰瘡及丹毒瘡痛

見丹毒

當歸散 見潮熱

解表消毒飲 治小兒疥癬蕩腫高熈痛便利調和脉

浮而洪有表證者用之

黃芪

上部酒拌炒中部米泔拌炒下部鹽水炒壹錢半

葛根

升麻

赤芍藥

玄參

牛蒡子

炒研

麻黃

去根節

甘草

各伍分

連翹

壹錢

更看是何經分野加引經藥 手

少陰加細辛

叁分

足少陰加獨活

柒分

手太陰

加桔梗白芷

各伍分

足太陰加蒼朮

柒分

手厥陰

加柴胡

柒分

足厥陰加柴胡青皮

各伍分

手太陽